

Na osnovu članova 88. i 94. Zakona o osnovnom odgoju i obrazovanju ("Službene novine Kantona Sarajevo", broj: br.23/17, 33/17, 30/19 i 34/20), člana 5. stav (4) Uredbe o jedinstvenim kriterijima i pravilima za zapošljavanje branilaca i članova njihovih porodica u institucijama u Kantonu Sarajevo, gradu Sarajevo i općinama u Kantonu Sarajevo („Službene novine Kantona Sarajevo“, broj: 37/20), člana 3. Pravilnika sa kriterijima za prijem zaposlenika u radni odnos u predškolskim ustanovama, osnovnim i srednjim školama kao javnim ustanovama na području Kantona Sarajevo („Službene novine Kantona Sarajevo“, broj: 35/17), člana 86. Pravila JU Osnovne škole „Stari Ilijaš“ Ilijaš i Saglasnosti Ministarstva za odgoj i obrazovanje Kantona Sarajevo broj: 11-34-641-2/21, od 15.01.2021. godine, Školski odbor JU OŠ „Stari Ilijaš“ Ilijaš, na svojoj 34. (trideset četvrtoj) sjednici održanoj dana: 22.01.2021. godine, raspisuje

KONKURS
za popunu upražnjenih radnih mjesta
u školskoj 2020/2021. godini

1. Nastavnik/nastavnica razredne nastave (područna škola).....1 izvršilac, puna nastavna norma (40 sati sedmično), od okončanja konkursne procedure do povratka radnice s porodiljskog odsustva, a najkasnije do 31.08.2021. godine.
2. Nastavnik/nastavnica biologije.....1 izvršilac, 3 časa sedmično na određeno vrijeme od okončanja konkursne procedure do 31.08.2021.godine.

Pored općih uslova utvrđenih Zakonom o radu ("Službene novine FBiH", broj: 26/16 i 89/18) za zasnivanje radnog odnosa, kandidati treba da ispunjavaju i posebne uslove predviđene Zakonom o osnovnom odgoju i obrazovanju ("Službene novine Kantona Sarajevo", broj: 23/17, 33/17,30/19 i 34/20), Nastavnim planom i programom za osnovnu školu, Pedagoškim standardima i normativima za osnovnu školu ("Službene novine Kantona Sarajevo" broj 30/18) i Pravilnikom o unutrašnjoj organizaciji i sistematizaciji poslova i radnih zadataka JU OŠ "Stari Ilijaš" u Ilijašu.

Uz prijavu na konkurs sa kraćom biografijom, kandidati trebaju dostaviti:

Obaveznu dokumentaciju

- a) Svojeručno potpisana prijava na konkurs sa kratkom biografijom, kontakt podacima i tačnom naznakom pozicije na koju se konkuriše;
- b) Diplomu/svjedodžbu o stečenoj stručnoj spremi ili akademskom zvanju;
- c) Izvod iz matične knjige rođenih;
- d) Uvjerenje o državljanstvu (ne starije od 6 mjeseci).

Dodatnu dokumentaciju:

- a) uvjerenje/potvrda o radnom stažu i uvjerenje sa šifrom zanimanja koje izdaje Fond za penzijsko-invalidsko osiguranje;
- b) potvrde o ostvarenom radnom stažu kod poslodavca kod kojeg je kandidat radio sa tačno naznačenim poslovima i radnim zadacima, te godinama i mjesecima radnog staža koje je kandidat obavljao;
- c) uvjerenje o položenom stručnom ispitu,
- d) potvrda o vremenu provedenom na evidenciji Službe za zapošljavanje Kantona Sarajevo (ne starija od tri mjeseca);
- e) rješenje o sticanju posebnog stručnog zvanja koje je izdato u skladu sa Pravilnikom o ocjenjivanju, napredovanju i sticanju stručnih zvanja odgajatelja, profesora/nastavnika i stručnih saradnika u predškolskim ustanovama, osnovnim i srednjim školama i domovima učenika,
- f) rješenje o ocjeni o radu koja je utvrđena u tekućoj ili prethodnoj kalendarskoj godini, a koje je izdato u skladu sa Pravilnikom o ocjenjivanju, napredovanju i sticanju stručnih zvanja odgajatelja, profesora/nastavnika i stručnih saradnika u predškolskim ustanovama, osnovnim i srednjim školama i domovima učenika,
- g) rješenje/uvjerenje nadležnog kantonalnog/općinskog organa o priznavanju svojstva člana porodice šehida/poginulog branioca, člana porodice nestalog i umrlog branioca, dobitnika ratnog priznanja i odlikovanja, člana porodice poginulog, umrlog i nestalog dobitnika ratnih priznanja i odlikovanja, ratnog vojnog zarobljenika i demobilisanog branioca kao zaslužnog lica u odbrambeno-oslobodilačkom ratu sa područja Kantona Sarajevo, ratnog vojnog invalida i člana porodice ratnog vojnog invalida izdato u svrhu ostvarivanja prava prednosti pri zapošljavanju (ne starije od šest mjeseci);
- h) osobe koje imaju status po osnovu dopunskih prava boraca-branitelja BiH obavezne su pored rješenja/uvjerenja nadležnog kantonalnog/općinskog organa o priznavanju statusa dostaviti i uvjerenje/potvrdu o neprekidnom prebivalištu na području Kantona Sarajevo u poslednjih 24 mjeseca (ne starije od šest mjeseci).

- i) potvrdu o autorstvu/koautorstvu udžbenika koju izdaje Federalno ministarstvo obrazovanja i nauke na osnovu člana 169.-170. Zakona o upravnom postupku FBiH (2/98 i 48/99).

Za dokazivanje statusa branilaca i članova njihovih porodica u skladu sa Uredbom o jedinstvenim kriterijima i pravilima za zapošljavanje branilaca i članova njihovih porodica u institucijama u Kantonu Sarajevo, gradu Sarajevo i općinama u Kantonu Sarajevo („Sl. novine KS“, broj:37/20), kandidat je dužan dostaviti:

1. Član porodice šehida/poginulog, umrlog, nestalog branioca: Uvjerenje o statusu djeteta šehida-poginulog, umrlog i nestalog branioca, Rješenje o priznatom pravu na porodičnu invalidninu za suprugu šehida-poginulog, umrlog i nestalog branioca, Uvjerenje o učešću u Oružanim snagama za šehida-poginulog, umrlog, nestalog branioca;
2. Ratni vojni invalid: Rješenje o priznatom svojstvu ratnog vojnog invalida;
3. Dobitnik ratnog priznanja i odlikovanja: Rješenje o priznatom pravu na mjesečno novčano primanje dobitnika priznanja;
4. Demobilisani branioci: Uvjerenje o učešću u Oružanim snagama;
5. - Dijete ratnog vojnog invalida: Uvjerenje o statusu djeteta ratnog vojnog invalida, Rješenje o priznatom pravu na invalidninu
- Dijete dobitnika ratnog priznanja i odlikovanja: Rješenje o priznatom pravu na mjesečni novčani dodatak
- Dijete demobilisanog branioca: Uvjerenje o učešću u Oružanim snagama

Prijava kandidata koji nije dostavio dodatnu dokumentaciju će se smatrati urednom, a prijavljeni kandidati će se bodovati samo po osnovu onih kriterija za koje je dostavio urednu i validnu dokumentaciju.

Dokumentacija koju kandidat dostavlja uz prijavu na konkurs mogu biti kopije uz obavezu da kandidat koji je primljen po konkursu dostavi originalnu dokumentaciju ili ovjerene kopije dokumentacije, najkasnije 5 (pet) dana po dobijanju Odluke o izboru kandidata.

Po konačnosti odluke o izboru radnika, a prije potpisivanja ugovora izabrani kandidat je dužan dostaviti ljekarsko uvjerenje nadležne zdravstvene ustanove koje nije starije od šest mjeseci.

Rok za prijavu kandidata po Javnom konkursu je 8 (osam) radnih dana od dana posljednjeg objavljivanja.

Prijave sa dokazima o ispunjavanju uslova konkursa dostaviti lično na protokol škole ili putem pošte na adresu:

JU OŠ “Stari Ilijaš“ Ilijaš, ulica Bosanski put br. 151, 71380 Ilijaš, u zatvorenoj koverti sa naznakom Prijava na javni konkurs, za poziciju broj: ... / ne otvarati – otvara Komisija za utvrđivanje prijedloga za izbor radnika.

Nepotpune i neblagovremene prijave neće se razmatrati.

Napomena: Svi kandidati koji se prijave na Javni konkurs bit će pismenim putem obaviješteni o rezultatima konkursa i odluci o izboru kandidata, u roku od 7 (sedam) dana od dana donošenja odluke.

Dokumentacija prijavljenih kandidata koji nisu izabrani po ovom konkursu, vraća se isključivo na lični zahtjev, putem protokola škole u roku od 30 (trideset) dana od okončanja konkursne procedure.

Konkurs će biti objavljen na službenoj stranici Ministarstva za obrazovanje, nauku i mlade Kantona Sarajevo.